



Број: 14-05/5-48-7140/11
Датум: 22.06.2011. године

IZVJEŠTAJ ZA MEDIJE

Policija rasvijetlila krivično djelo "teška krađa"

Dana 21.06.2011. godine oko 16,35 sati policiji se obratio građanin Brčkog, rođen 1928. godine, te prijavio da mu je iz kuće, koja je bila otključana, neposredno prije prijavljivanja, od strane nepoznatog izvršioca ili više njih, otuđen novčanik u kojem se nalazila veća količina novca (eura i konvertibilnih marka).

Odmah po prijavi postupili su policijski službenici koji su izašli na lice mjesta, te preduzeli mjere i radnje na vršenju uviđaja kao i pronalasku izvršioca pomenutog krivičnog djela.

Preduzetim hitnim istražnim mjerama i radnjama policijski službenici su prikupili informacije, da je navedeno krivično djelo počinila ženska osoba, sa inicijalima N.O. rođena 1982. godine u Brčkom, gdje je i nastanjena, koja je neopaženo ušla u kuću i izvršila krivično djelo. Ista je dana 22.06.2011. godine lišena slobode, te će uz Izvještaj o počinjenom krivičnom djelu "Teška krađa" iz člana 281. Krivičnog zakona Brčko distrikta BiH biti predata Tužilaštvu Brčko distrikta BiH na dalje procesuiranje.

Navodimo da je Policija Brčko distrikta BiH, protiv imenovane, i ranije podnosila izvještaje o počinjenim krivičnim djelima "krađe", gdje je kroz istražne radnje utvrđivano da je ista boraveći u javnim ustanovama, koristila nepažnju drugih lica, te otuđivala ženske torbice, novčanike, mobilne telefone i slično, a u privatnim objektima lažno se predstavljala i iskorištavala bespomoćnost i slabu pokretljivost osoba, te otuđivala novac, zlatni nakit i sl.

Kako bi i sami građani spriječili (ovakve i slične) krađe i teške krađe, Policija Brčko distrikta daje slijedeća upozorenja i savjete:

| | | |
|---|--|--|
| <p>ПОЛИЦИЈА БРЧКО ДИСТРИКТА БИХ POLICIJA BRČKO DISTRIKTA BIH</p>  <p>KAKO DA SMANJITE MOGUĆNOST PROVALE</p> <p>Tel. 049/233-200, 049/233-201, 122 ili 049/122</p> | <p>Policija savjetuje i upozorava !!</p> <p>Kad izlazite iz stana, kuće ili Vašeg vozila prekontrolišite da li ste zaključali vrata i prozore (ukoliko imate instalirane alarmne uređaje, aktivirajte ih).</p> <p>Na Vašoj telefonskoj sekretarici ne ostavljajte poruke o vašoj odsutnosti iz kuće ili stana.</p> <p>Prizemne stanove, poslovne prostorije i kuće osigurajte alarmnim uređajima i na prozore stavite rešetke.</p> <p>Na ulaznim vratima postavite dodatnu zaštitnu bravu (po mogućnosti takvu koju nije moguće otvoriti specijalnim alatima (lomacem i češnjem).</p> <p>Dio cilindra brave koji izlazi izvan ravne plohe vrata zašтите metalnim dodatkom kako bi se onemogućilo lomljenje cilindra brave.</p> <p>Ispred ulaznih vrata Vaše kuće ili stana postavite senzorsku rasvjetu (reaguje na prilazak).</p> <p>Pored kuće i prizemnog stana ne ostavljajte predmete koji mogu poslužiti za penjanje na sprat ili krov.</p> <p>Neka u haustoru – hodniku i liftu Vaše zgrade rasvjeta bude ispravna.</p> <p>Potrudite se da se ulazna vrata u Vašu zgradu zaključavaju automatski.</p> <p>Na vratima Vašeg stana ili kuće postavite zasun za djelimično otvaranje vrata i ukoliko ne postoji, napravite otvor »špijunku« za osmatranje.</p> <p>Vrata ne otvarajte nepoznatim osobama i bez obzira kako se predstavljali, provjerite njihov identitet.</p> | <p>Ako radite u inostranstvu, kuću ili stan povjerite na čuvanje licu od povjerenja (bliži rođak, komšija i sl.) kome će te povjeriti ključ od ulaznih vrata i zamolite ga da preko noći pali svjetlo i da češće obilazi i provjetrava prostorije. Upoznajte ga sa vrijednim stvarima koje ostavljate, kako bi u slučaju provale odmah mogao da saopšti Policiji šta je otuđeno.</p> <p>Na isti način postupite i kada idete na godišnji odmor. Zamolite susjede da ako čuju buku u vašem stanu-kući, odmah pozovu Policiju na broj 122.</p> <p>Prilikom rada u dvorištu ne ostavljajte otključane kuće, (otvorene prozore i slično), s obzirom da to izvršioци vješto koriste, ušunjavaju se u kuću i otuduju Vaše dragocjenosti.</p> <p>Vaše vozilo ostavljajte na osvijetljenim dijelovima grada i parking prostorima.</p> <p>Ukoliko Vaše vozilo nema ugrađen alarmni uređaj, učinite to odmah, to je mnogo jeftinije nego ono što Vam se može dogoditi. Na sjedištima Vašeg vozila nikad ne ostavljajte ništa. Predmeti kao tašne, kožne vundjakne, kaputi, tek kupljena roba u prodavnicama privlače provalnika</p> <p>Zbog toga sve to ostavite u prtljajniku da je nedostupno oku eventualnog provalnika.</p> <p>Podsjećamo Vas da je manji broj krađa vozila, a da su brojne krađe iz vozila, zbog toga ne pomažite provalnicima, postupite kako Vas savjetujemo.</p> <p>Na kraju Vam savjetujemo da Vaš stan kuću i poslovni prostor, osigurajte alarmnim uređajem. Na taj način će te onemogućiti provalnika da iz kontrolisanog prostora otuđi vrijednosti ili novac, jer će policija uz Vašu pomoć biti mnogo efikasnija.</p> |
|---|--|--|

Vaša Policija !!

Šef kabineta-portparol
Halid Emkić